

道春魚

七書

司馬法

三

內閣文庫			
函	六〇	漢	漢書門
架	七〇	書	
冊	七〇	類	

漢書門			
架	六〇	函	六〇
冊	七〇	號	六〇
類	七〇	類	七〇

內閣文庫	
番號	漢 6026
冊數	7 (3)
函號	299 222



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



司馬法

仁本第一

古者以仁為本以義治之之謂正正不獲意則權
 權出於戰不出於中人是故殺人安人殺之可也
 攻其國愛其民攻之可也以戰止戰雖戰可也故
 仁見親義見悅智見恃勇見方信見信內得愛焉
 所以守也外得威焉所以戰也戰道不違時不歷
 民病所以愛吾民也不加喪不因凶所以愛夫其
 民也冬夏不興師所以兼愛民也故國雖大好戰
 必亡天下雖安忘戰必危天下既平天子大懼春

漢章文庫

蒐秋獮諸侯春振旅秋治兵所以不忘戰也古者
逐奔不過百步縱綏不過三舍是以明其禮也不
窮不能而哀憐傷病是以明其仁也成列而鼓是
以明其信也爭義不爭利是以明其義也又能舍
服是以明其勇也知終知始是以明其智也六德
以時合教以爲民紀之道也自古之政也先王之
治順天之道設地之宜官民之德而正名治物立
國辨職以爵分祿諸侯悅懷海外來服獄弭而兵
寢聖德之至也其次賢王制禮樂法度乃作五刑
興甲兵以討不義巡狩省方會諸侯考不同其有

失命亂常皆德逆天之時而危有功之君徧告于
諸侯彰明有罪乃告于皇天上帝日月星辰禱于
后土四海神祇山川冢社乃造于先王然後冢宰
徵師于諸侯曰某國爲不道征之以某年月日師
至于某國會天子正刑冢宰與百官布令於軍曰
入罪人之地無暴神祇無行田獵無毀土功無燔
墻屋無伐林木無取六畜禾黍器械見其老幼奉
歸勿傷雖遇壯者不校勿敵敵若傷之醫藥歸之
既誅有罪王及諸侯修正其國舉賢立明正復厥
職王霸之所以治諸侯者八以土地形諸侯以政

今平諸侯以禮信親諸侯以材力說諸侯以諸人
維諸侯以兵革服諸侯同患同利以合諸侯比小
事大以和諸侯會之以發禁者九馮弱犯寡則普
之賊賢害民則伐之暴內陵外則墮外野荒民散
則削之負固不服則侵之賊殺其親則正之放弑
其君則殘之犯令陵政則杜之外內亂禽獸行則
滅之

天子之義第二

天子之義必純取法天地而觀於先聖士庶之義
必奉於父母而正於君長故雖有明君士不先教

不可用也古之教民必立貴賤之倫經使不相陵
德義不相踰材枝不相掩勇力不相犯故方同而
意和也古者國容不入軍軍容不入國故德義不
相踰士貴不伐之士上之器也苟不伐
則無求無求則不爭國中之聽必得其情軍旅之
聽必得其宜故材枝不相掩從命爲士上賞犯命
爲士上戮故勇力不相犯既致教其民然後謹選
而使之事極修則百官給矣教極省則民興良矣
習貫成則民體俗矣教化之至也古者逐奔不
遠縱綏不及不遠則難誘不及則難陷以禮爲固

以仁爲勝既勝之後其教可復是以君子貴之也
有虞氏戒於國中欲民體其命也夏后氏誓於軍
中欲民先成其慮也殷誓於軍門之外欲民先意
待事也周將交刃而誓之以致民志也夏后氏正
其德也未用兵之刃故其兵不雜殷義也始用兵
之刃矣周力也盡用兵之刃矣夏賞於朝貴善也
殷戮於市威不善也周賞於朝戮於市勸君子懼
小人也三王彰其德一也兵不雜則不利長兵以
衛短兵以守甚長則難犯太短則不及太輕則銳
銳則易亂太重則鈍鈍則不濟戎車夏后氏云鈞

車先正也殷曰寅車先疾也周云元戎先良也旂
夏后氏玄首人之報也殷白天之義也周黃地之
道也章夏后以日月尚明也殷以虎尚威也周
以龍尚文也師多務威則民訕少威則民不勝上
使民不得其義百姓不得其叙枝用不得其利牛
馬不得其任有司陵之此謂多威多威則民訕上
不尊德而任詐愚不尊道而任勇力不費用命而
貴犯命不貴善行而貴暴行陵之有司此謂少威
少威則民不勝軍旅以舒爲主舒則民力足雖交
兵致刃徒不趨車不馳遂奔不踰列是以不亂軍

旅之固不失行列之政不絕人馬之力遲速不過
誠命古者國容不入軍軍容不入國軍容入國則
民德廢國容入軍則民德弱故在國言文而語溫
在朝恭以遜修已以待人不召不至不問不言難
進易退在軍抗而立行行逐而果介冑者不拜兵
車不軾城上不趨危事不齒故禮與法表裏也文
與武左右也古者賢王明民之德盡民之善故無
廢德無簡民賞無所生罰無所試有虞氏不賞不
罰而民可用至德也夏賞而不罰至教也殷罰而
不賞至威也周以賞罰德衰也賞不踰時欲民速

得為善之利也罰不遷列欲民速觀為不善之害
也大捷不賞上下皆不伐善上苟不伐善則不驕
矣下苟不伐善必亡等矣上下不伐善若此讓之
至也大敗不誅上下皆以不善在已上苟以不善
在已必悔其過下苟以不善在已必遠其罪上下
之惡若此讓之至也古者戍兵三年不也觀民之
勞也上下相報若此和之至也得意則愷歌示喜
也偃伯靈臺示民之勞示休也

定爵第三

凡戰定爵位著功罪叙遊士申教詔訊厥眾求厥

枝方慮極物變嫌疑養方索巧因心之動凡戰
固衆相利治亂進止服正成耻約法慶ハフキ省罰小罪乃
殺小罪勝大罪因順天阜財懌衆利地右兵是謂
五慮順天奉時阜財因敵懌衆勉若利地守隘阻
右兵弓矢禦及守戈戟助凡五兵五當長以衛
短短以救長迭戰則久皆戰則強見物與伴是謂
兩之主固勉若見敵而舉將心心也衆心心也馬
牛車兵佚飽力也教惟豫戰惟節將軍身也卒支
也伍指拙也凡戰權也鬪勇也陣巧也用其所欲
行其所能廢其不欲不能於敵反是凡戰有天有

財有善時日不遷龜勝微行是謂有天衆有有因
生義是謂有財人習陣利極物以豫是謂有善人
勉及在是謂樂入大軍以固多力以煩堪物簡治
見物卒應是謂行豫輕車輕徒弓矢固禦是謂大
軍密靜多內力是謂固陣因是進退是爲多力上
暇人教是煩陣然有以職是謂堪物因是辨物是
謂簡治稱衆因地因敵令陣攻戰守進退止前後
序車徒因是謂戰參不服不信不和怠疑狀懾枝
往拙煩肆崩緩是謂戰患驕驕懾懾吟曠虞懼事
悔是謂毀折大小堅柔參伍衆寡凡兩是謂戰權

凡戰間遠觀邇因時因財貴信惡疑你兵義作事
時使入惠見敵靜見亂暇見危難無忘其衆居國
惠以信在軍廣以武刃上果以敏居國和在軍法
刃上察居國見好在軍見方刃上見信凡陣行惟
疎戰惟密兵惟雜人教厚靜乃治威利章相守義
則人勉慮多成則人服時中服厥次治物既章日
乃明慮既定心乃強進退無疑見敵無謀聽誅無
誑其名無變其旗凡事善則長因古則行誓作章
人乃強滅厲祥滅厲之道一曰義被之以信臨之
以強成基一天下之形人莫不說是謂兼用其人

一曰權成其溢奪其好我自其外使自其內一曰
人二曰正三曰辭四曰巧五曰火六曰水七曰兵
是謂七政榮利取死是謂四守容色積威不迫改
意凡此道也唯仁有親有仁無信反敗厥身人人
正正辭辭火火凡戰之道既作其氣因發其政假
之以色道之以辭因懼而戒因欲而事陷敵制地
以職命之是謂戰法凡人之形由衆之求試以名
行必善行之若行不行身以將之若行而行因使
勿忘三乃成章人生之宜謂之法凡戰正不行則
事專不服則法不相信則一若怠則動之若疑則

變之若人不信上則行其不復自古之政也

直解以此

三章載於末今隨講義

凡治亂之道一曰仁二曰信三曰直

四曰一五曰義六曰變七曰專立法一曰受二曰

法三曰立四曰疾五曰御其服六曰等其色七曰

百官宜無滯服凡戰使法在已曰專與下畏法曰

法軍無小德戰無不利日成行微曰道

嚴位第四

凡戰之道位欲嚴政欲栗力欲聚氣欲閑心欲一

凡戰之道等道義士卒伍定行列正縱橫察名實

立進俯坐進跪畏則密危則坐遠者視之則不畏

邈者勿視則不散位下左右下甲坐擔徐行之位

建徒申籌以輕重振馬噪徒申畏亦密之跪坐坐

伏則膝行而寬擔之起譟鼓而進則以鐸止之銜

枚擔糗坐膝行而推之執戮禁顧譟以先之若畏

太甚則勿戮殺示以顏色告之以所生循省其職

凡三軍人戒分白人禁不息不可以分食方其疑

惑可師可服凡戰以力義以氣勝以固久以危勝

本心固新氣勝以甲固以兵勝凡車以密固徒以

坐固甲以重固兵以輕勝人有勝心惟敵之視人

有畏心惟畏之視兩心交定兩利若一兩為之職

惟權視之凡戰以輕行輕則危以重行重則無功
以輕行重則敗以重行輕則戰故戰相為輕重舍
謹甲兵行慎行列戰謹進止凡戰敬則慊率則服
上煩輕上暇重奏鼓輕舒鼓重服勇輕服義重凡
車馬堅甲兵利輕乃重上同無獲上專多死上生
多疑上死不勝凡人死愛死怒死威死義死利凡
戰之道教約人輕死道約人死正凡戰若勝若否
若大若人凡戰三軍之戒無過三百一卒之警無
過分日一人之禁無過皆息凡大善用本其次用
末執略守微本末唯獲戰也凡勝三軍一人勝凡

鼓鼓旗旌鼓車鼓馬鼓徒鼓兵鼓首鼓足七鼓兼
齊凡戰既固勿重重進勿盡凡盡危凡戰非陣之
難使入可陣難非使可陣難使入可用難非知之
難行之難人方有性性州異教成俗俗州異道化
俗凡衆寡既勝若否兵不告利甲不告堅車不告
固馬不告良衆不自多未獲道凡戰勝則與衆分
善若將復戰則重賞罰若使不勝取適在已復戰
則誓以居前無復先術勝否勿反是謂正則凡民
以仁救以義戰以智決以勇闘以信專以利勸以
功勝故心中仁行中義堪物智也堪大勇也堪父

司馬法

信也讓以和入以洽自予以不循爭賢以為人說
其心效其力凡戰擊其微靜避其強靜擊其倦
勞避其閑宛擊其大懼避其小懼自古之政也

用衆第五

凡戰之道用寡固用衆治寡利煩衆利正用衆進
止用寡進退衆以合寡則遠裏而闕之若分迭擊
寡以待衆若衆疑之則自用之擅利則釋旗迎而
反之敵若衆則相衆而受襲敵若寡若畏則避之
開之凡戰背風背高右高左險歷沛歷地兼合環
龜凡戰設而觀其作視敵而舉待則循而勿鼓待

衆之作攻則屯而伺之凡戰衆寡以觀其變進退
以觀其固危而觀其懼靜而觀其怠動而觀其疑
襲而觀其治擊其疑加其卒致其屈襲其規因其
不避阻其圖奪其慮乘其懼凡從奔勿息敵人或
止於路則慮之凡近敵都必有進路退必有反慮
凡戰先則弊後則懾息則食不息亦弊息又亦返
其懾書言親絕是謂絕顧之慮選良次兵是謂益入
之強棄任節食是謂開人之意自古之政也

司馬法終



